



NDZIVALELO WA SWA SWIBALESA 2020/2021
Nkateko lowu wu nga ku hundzi!

SWILETELO HI KA NDZIVALELO WA SWA SWIBALESA _____

Holobye wa Maphorisa u tivisile hi ta nkarhi wa ndzivalelo wa swibalesa eka tin'hweti ta tsevu (6) leti landzelaka, hi ku hangalasa xitiviso eka Gazete ra Mfumo. Ndzivalelo wu sungula hi ti-1 ta Mhawuri 2020 ku fika hi ti-31 ta Sunguti 2021.

Nkarhi wa ndzivalelo wu nyika vaakatiko nkateko wo yisa swibalesa, matlhari na/kumbe swipimbi swa xibalesa leswi va nga ha swi laviki kumbe leswi nga riki enawini eka Vukorhokeri bya Maphorisa ya Afrika-Dzonga. Va endla leswi handle ko chava ku tengisiwa ku va va ri na switirhisiwa leswi swi nga riki enawini.

Swikongomelo swa ndzivalelo lowu, i ku hunguta nhlayo ya le henhla ya swibalesa, matlhari na/kumbe swipimbi swa swibalesa leswi nga riki enawini/leswi nga ha laviwiki la etikweni.

Munhu loyi a yisaka xibalesa xa yena hi nkarhi wa ndzivalelo, u ta fanela ku tata no tlhela a sayina tifomo leti nga fanela exitichini xa maphorisa xa le kusuhi, naswona u fanele ku sindzisa leswaku a nyikiwa khopi ya SAPS 548 (Fomo ya Ndzivalelo).

**KU KUMA VUXOKOXOKO BYIN'WANA, U KOMBERIWA KU TIHLANGANISA
NA XITICHI XA MAPHORISA XA LE KUSUHI KUMBE U BELA RIQINGHO EKA
REGISITARA RA SWIBALESA EKA 012 353 6111
VIKA VUKUNGUNDZWANA EKA 0800 701 701**

Ku ya hi xiyenge xa 139(4) (a) xa Nawu wa Vulawuri bya Swibalesa (Firearms Control Act, 2000 (Act no 60 of 2000), munhu loyi a yisaka xibalesa hi ku landzelela xitiviso lexi nga hangalasiwa ku ya hi ndzimana ya (1), a nga endla xikombelo xa layisense ya xibalesa xalexo ku ya hi Nawu lowu.

Xikombelo lexi ku vulavuriwaka hi xona eka xiyenge xa 139(4) (a), a xi katsi swibalesa leswi nga riki enawini, leswi pfumalaka maphepha lama tiyisisaka khale ka vini va swona.

Munhu loyi a endlaka xikombelo xa xibalesa ku ya hi leswi boxiweke laha henhla, u fanele ku landzelela swilaveko swa Nawu leswi fambelanaka na ku nyikiwa ka layisense ya xibalesa, leswi katsaka leswi landzelaka:

- » Mpimo wa nhlayo ya swibalesa swa mitlawu yo hambanahambana leswi munhu a pfumeleriweke ku va na swona hi nawu
- » Mukomberi u fanele ku va na xitifikhethi xa vuswikoti byo tirhisa xibalesa lexi a kombelaka layisense ya xona
- » Munhu loyi a endlaka xikombelo xa layisense ya xibalesa u fanele ku yisa xibalesa xolexo hi yexe eka Mutirhelamfumo loyi a Tirhaka hi swa Ndzivalelo, kutani a nghenisa xikombelo eka masiku ya 14.

Xikombelo xa layisense ya xibalesa xi fanele ku rhumeriwa eka Mutirhelamfumo loyi a Tirhaka hi swa Ndzivalelo endhawini leyi mukomberi a tshamaka kona, naswona xi fanele ku fikelela leswi landzelaka:

- » Khophi leyi tiyisisiweke ya xitifikhethi xa vuswikoti xa mukomberi (loko a ri na xona).
- » Loko mukomberi a nga ri na xitifikhethi xa vuswikoti, u fanele ku endla xikombelo xa vuswikoti ku ya hi swilaveko swa Nawu wa Vulawuri bya Swibalesa (Firearms Control Act).
- » Tata fomo ya SAPS 271 laha mukomberi a nga kombisa vutiyimiseri byakwe byo endla xikombelo xa layisense yo karhi. Mutirhelamfumo loyi a Tirhaka hi swa Ndzivalelo u ta amukela xikombelo xa layisense ntsena loko xi fikelela swilaveko swa Nawu wa Vulawuri bya Swibalesa (Firearms Control Act).
- » Yisa nseketelo lowu hetisekeke lowu seketelaka xidingo xa layisense. Leswi swi nga endliwa hi ku nyika xitatimende lexi hlambanyiweke.
- » Yisa khopi leyi tiyisisiweke ya layisense ya xibalesa lexi nga enawini, phemiti kumbe mpfumelelo lowu yelanaka na xibalesa xo karhi (loko swi laveka).

KU KUMA VUXOKOXOKO BYIN'WANA, U KOMBERIWA KU TIHLANGANISA
NA XITICHI XA MAPHORISA XA LE KUSUHI KUMBE U BELA RIQINGHO EKA

REGISITARA RA SWIBALESA EKA 012 353 6111

VIKA VUKUNGUNDZWANA EKA 0800 701 701